



**R. P. Christiani Mayer E Societate Iesv, Diarivm
Meditationvm, De Præcipvis Vitæ Christi mysteriis**

Mayer, Christian

Coloniæ Agrippinæ, 1635

7. De excellentia eiusdem quatenus est Sacrificium

[urn:nbn:de:hbz:466:1-60091](#)

tatis, charitatis excessus, æterno foret
gratitudinis, amoris, deuotionis affe-
ctu compensandus?

VII.

*De excellentia eiusdem, quatenus
est Sacrificium.*

I. C

Hristus in hoc diuinissimo my-
sterio non solum dedit se nobis
in spirituale nutrimentum nobilissi-
mum, sed etiam in sacrificium emi-
nentissimum, cuius magnitudo & ex-
cellentia quoad latitudinem hinc po-
test aestimari, quod illud latissime se
extendat ad omnes fines, effectusque
omnium sacrificiorum legis naturæ &
scriptæ. Sicut enim in se continet o-
mnes perfectiones quadruplicis sacri-
ficij:latreutici, Eucharistici, propria-
torij, impetratorij:ita valet ad omnes
omnium istorum sacrificiorum fines
promerendos, cum in eo omnia & sin-
gula infiniti meriti desideria & obse-
quia Christi infinitè grati æterno Pa-
tri offerantur. Quam eximum ergo
beneficium, & rarum diuinæ bonita-
tis, liberalitatis, amoris monumen-
tum meritò est censemendum hoc diui-
nissimum Sacrificium? quæcā proin-
de re-

de reuerentia , deuotione , gratitudine , alacritate ad illud audiendum , vel offrendum anhelandum ? quam accurate preparatio præmittenda , & gratiarum actio subiungenda ? Gratitudo , amor , zelus piè celebrandi vel audiendi Missam .

II. Quoad sublimitatem , & profunditatem , quod illud sit infiniti pretij & valoris ad prædictos effectus omnes impetrandos , eō quod & res oblatā , & primarius offerens , sit Christus ipse verus Deus & homo , qui cum omnibus quæ pro gloria Patris & amore nostræ salutis fecit , dixit , passus est , seipsum offert diuinæ Maiestati , per quosquis ritè ordinatos Sacerdotes , tanquam secundarios offerentes , & vicarios suos , quantumuis indignos & impios .

Quis dignè aestimet tam sublimis Sacrificij dignitatem ? quis non obstupescat , & tantam primarij offerentis maiestatem , & tantam simul eiusdem tam indignorum ministrorum operâ vrentis humilitatem ! Affectus ijdem .

III. Quoad longitudinem , quod Filius Dei hoc ipsum sacrificium , ex

Ee 2 eo-

eodem gratuito & infinito amore, per eosdem vicarios suos tam indignos ab æterno decreuerit offerre; in tempore à prima eius institutione offerre dignatus sit, hodieque offerre dignetur, atque porrò offerre paratus sit, usque ad consummationem sæculi, & quidem ad excellentes gratiæ & gloriæ gradus æternum duraturos Electis suis promerendos. Affetus ferè iudicem.

Possent etiam hic usurpari Meditationes prolixiores de modo piè communicandi, celebrandi, & audiendi Sacrum, & Venerabile Sacramentum inuisendi, assignata in Enclo. Industriarum suis locis,

Finis Meditationum ter-
tiæ Partis.